

Համբարձման անուշ գիշեր է

1. Սարի գլխին ամալը ցուաց,
Համբարձման անուշ գիշեր է,
Վարդի թփին ցողը մնաց,
Իմ յարի նխշուն թշերը:

կրկնակ. - Համբարձման անուշ գիշեր է,
Իմ յարի նխշուն թշերը,
Իմ յարի նխշուն թշերը,
Համբարձման անուշ գիշերը:

2. Երգդ երգե հոտաղ տղա,
Համբարձման անուշ գիշեր է,
Պար եմ բռնե, հետս խաղա,
Իմ յարի նխշուն թշերը:

3. Մեր սարերի սիրուն ծաղիկ,
Համբարձման անուշ գիշեր է,
Սիրոս մտար հատիկ – հատիկ,
Իմ յարի նխշուն թշերը:

4. Վանքի ձորում ծաղիկ շատ կա,
Համբարձման անուշ գիշեր է,
Հորոտ – մորոտ, նարգիզ, լալա,
Իմ յարի նխշուն թշերը: